



Broj: 01/1-50-1-1-72/06

Sarajevo: 13.09.2006.

## **Z A P I S N I K**

### **sa 72. sjednice Ustavno - pravne komisije**

Sjednica je održana 13.09.2006. godine sa početkom u 10,00.

Sjednici su prisustvovali svi članovi Komisije:

- |                       |                     |
|-----------------------|---------------------|
| 1. Mirsad Čeman,      | 6. Nijaz Duraković, |
| 2. Filip Andrić,      | 7. Beriz Belkić i   |
| 3. Momčilo Novaković, | 8. Mirsad Sipović   |
| 4. Petar Kunić,       |                     |
| 5. Tihomir Gligorić,  |                     |

Član Komisije Martin Raguž nije prisustvovao sjednici iz opravdanih razloga.

Pored članova komisije sjednici su prisustvovali: u ime Vijeća Ministara Safet Halilović, Niko Grubišić, Srđan Arnaut, Mirko Šekara, Kojo Koprivica, Damir Dizdarević i Akif Smajkić; u ime Ohr-a Maja Ribar; u ime OEBS-a Dario Šikuljak i Gordana Ivanović, u ime VSTV Admir Suljagić i Tereza Nelson.

Sjednici je prisustvovao sekretar Komisije Milan Zjajić.

Sjednica je završena u 14,30 sati.

Nakon duže rasprave odlučeno je da se skinu sa dnevnog reda svi prijedlozi zakona za koje je izvjesno da se neće moći okončati zakonodavna procedura u ovom sazivu Doma. Tako sve tačke dnevnog reda u kojima je trebalo raspravljati o utavnom osnovu i saglasnosti sa Ustavom BiH su skinute sa dnevnog reda, te je predložen sljedeći

### **D N E V N I R E D :**

1. Verifikacija Zapisnika sa 71. sjednice održane 24.08.2006. godine;
2. Prijedlog zakona o izmjenama i dopunama Zakona o Vijeću ministara BiH, predlagač Vijeće ministara BiH;
3. Prijedlog zakona o prekršajima, predlagač Vijeće ministara BiH;
4. Prijedlog zakona o radijacionoj i nuklearnoj bezbjednosti u BiH, predlagač Vijeće ministara BiH;
5. Prijedlog zakona o visokom obrazovanju u BiH, predlagač Vijeće ministara BiH;
6. Prijedlog zakona o izmjenama i dopunama Zakona o koncesijama BiH, predlagač Momčilo Novaković;
7. Prijedlog Prečišćenog teksta Izbornog zakona Bosne i Hercegovine, Predlagač Centralna izborna komisija BiH;
8. Prijedlog Rezolucije o četvorogodišnjoj reformi u BiH zasnovanoj na građanskoj platformi GROZD-a, predlagač Muhamed Moranjković;
9. Ostala pitanja.

Ovakav dnevni red je jednoglasno prihvaćen.

### **Ad. 1. Verifikacija Zapisnika sa 71. sjednice održane 24.08.2006. godine;**

Na predloženi Zapisnik Mirsad Sipović je iznio primjedbu da ne sadrži podatke o tome da je izdvojio mišljenje prilikom glasanja o Prijedlogu zakona o izmjenama i dopunama Zakona o Cavjetu ministara BiH. Dodao je da se sa sjednica Doma uvijek konstatuje izdvojeno mišljenje, a to nije bio slučaj na sjednici Komisije.

Sekretar Milan Zjajić je u vezi sa iznešenom primjedbom istakao kako je poslanik Sipović u pravu i da je do omaške došlo iz prostog razloga što se sjednice Komisije ne snimaju.

Uz navedenu primjedbu Zapisnik je jednoglasno verifikovan.

## **Ad. 2. Prijedlog zakona o izmjenama i dopunama Zakona o Vijeću ministara BiH, predlagač Vijeće ministara BiH;**

Nakon opće i rasprave o pojedinostima, Ustavno-pravna komisija je kao nadležna komisija:

1. Većinom glasova podržala principe predloženog zakona,
2. Konstatirala da su Momčilo Novaković i Mirsad Sipović uložili amandmane. Nakon provedene rasprave i glasanja Komisija je prihvatila sljedeće amandmane koji glase:

### **Amandman I**

U članu 2. odnosi se na član 27. a) tačke 4. i 5. i na član 27. b) riječi: za potrebe Vijeća ministara Bosne i Hercegovine." se brišu.

### **Amandman II**

U članu 2. odnosi se na član 27. a) tačka 6. riječi "predsjedavajući Vijeća ministara BiH" mijenjaju se riječima "vlade entiteta i Brčko Distrikta BiH"

### **Amandman III**

U članu 2. koji se odnosi na stav 3. člana 27. b) se dopunjuje riječima: "a potvrđuje ga Parlamentarna skupština Bosne i Hercegovine u roku od 30 dana."

3. Jednoglasno prihvatila tekst Prijedloga zakona o izmjenama i dopunama Zakona o Vijeću ministara Bosne i Hercegovine kako ga predložilo Vijeće ministara BiH sa usvojenim amandmanima i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

## **Ad. 3. Prijedlog zakona o prekršajima, predlagač Vijeće ministara BiH;**

Nakon opće i rasprave o pojedinostima, Ustavno-pravna komisija je kao nadležna komisija:

1. Većinom glasova podržala principe predloženog zakona,
2. Konstatirala da je Tihomir Gligorić uložio jedan amandman. Nakon provedene rasprave i glasanja Komisija je jednoglasno prihvatila amandman koji glasi:

### **Amandman I**

U članu 44. riječi: "ako nije drugačije propisano." se mijenjaju riječima: "a novčane kazne i sredstva pribavljena prodajom oduzetih predmeta za prekršaje propisane zakonima entiteta Republike Srpske i Federacije BiH, Brčko Distrikta BiH, kantona F BiH, gradova i općina prihodi su budžeta navedenih nivoa vlasti."

3. Jednoglasno prihvatila tekst Prijedloga zakona o prekršajima kako ga predložilo Vijeće ministara BiH sa usvojenim amandmanom i
4. Konstatirala da je predloženi zakon neophodno donijeti, a prije objave tekst usaglasiti sa Jedinostvenim pravilima za izradu pravnih propisa u institucijama BiH u pogledu naslova članova, oznaka stavova i tačaka i upotrebi stranih izraza (tuđica).

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

## **Ad. 4. Prijedlog zakona o radijacionoj i nuklearnoj bezbjednosti u BiH, predlagač Vijeće ministara BiH;**

Nakon opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona,
2. Konstatirala da je Momčilo Novaković uložio jedan amandman. Nakon provedene rasprave i glasanja Komisija je jednoglasno prihvatila amandman koji glasi:

### **Amandman I**

U stavu 3. člana 28. na kraju se umjesto tačke stavlja zarez i dodaju riječi: "uz saglasnost Vijeća ministara BiH."

3. Jednoglasno prihvatila tekst Prijedloga zakona o radijacionoj i nuklearnoj bezbjednosti u Bosni i Hercegovini kako ga predložilo Vijeće ministara BiH sa uloženim amandmanom i
4. Konstatirala da je predloženi zakon neophodno donijeti, a prije objave tekst usaglasiti sa Jedinostvenim pravilima za izradu pravnih propisa u institucijama BiH..

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

#### **Ad. 5. Prijedlog zakona o visokom obrazovanju u BiH, predlagač Vijeće ministara BiH;**

Nakon duže rasprave se sa četiri glasa "za" i četiri glasa "protiv", od ukupno prisutnih osam članova Komisije, glasanjem izjasnila o principima predloženog zakona.

**5. Prema rezultatu glasanja, a imajući u vidu odredbu člana 31. Poslovnika Predstavničkog doma, Ustavno-pravna komisija nije prihvatila principe Prijedloga zakona o visokom obrazovanju u Bosni i Hercegovini,**

**6. Proizilazi da se nisu stekli uslovi za nastavak zakonodavne procedure o Prijedlogu zakona o visokom obrazovanju u Bosni i Hercegovini.**

Javno saslušanje i dugotrajne rasprave na sjednicama Komisije su idetifikovale pitanja - principe oko kojih će biti veoma teško ostvariti kompromis. To su prije svih rješenja akreditovanja, licenciranja i finansiranja visokog obrazovanja. Na Predloženi zakon je uloženo 28 amandmana, od kojih neki sadrže dva i više članova, ali ni to nije stvorilo dovoljno prostora za nagovještaj kompromisa.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

#### **Ad. 6. Prijedlog zakona o izmjenama i dopunama Zakona o koncesijama BiH, predlagač Momčilo Novaković;**

Kako od strane Vijeća ministara BiH po zaključku sa 70. sjednice i urgenciji sa 71. sjednice nije dostavljeno traženo očitovanje o Predloženom zakonu, na 72. sjednici Komisija je pristupila raspravi kao nadležna komisija.

Nakon provedene rasprave Ustavno-pravna komisija je kao nadležna komisija je većinom glasova:

1. Podržala principe predloženog zakona,
2. Konstatirala da nije bilo uloženi amandmana.
3. Prihvatila tekst Prijedlog zakona o izmjenama i dopunama Zakona o koncesijama Bosne i Hercegovine i Hercegovine kako je i predložen i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

#### **Ad. 7. Prijedlog Prečišćenog teksta Izbornog zakona Bosne i Hercegovine, Predlagač Centralna izborna komisija BiH;**

Nakon duže rasprave i Komisija je jednoglasno prihvatila Prečišćeni tekst Izbornog zakona BiH uz tekst koji treba dodati prilikom objave, a on glasi: "Na osnovu člana 105. Zakona o izmjenama i dopunama Izbornog zakona Bosne i Hercegovineo ("Službeni glasnik BiH", broj 24/06), Ustavno-pravna komisija Predstavničkog doma Parlamentarne skupštine Bosne i Hercegovine, na sjednici održanoj 13. septembra 2006. godine, i Ustavno-pravna komisija Doma naroda Parlamentarne skupštine Bosne i Hercegovine, na sjednici održanoj \_\_. septembra 2006. godine, utvrdile su prečišćeni tekst Izbornog zakona Bosne i Hercegovine, pa se daje prečišćeni tekst Izbornog zakona Bosne i Hercegovine. Prečišćeni tekst Izbornog zakona Bosne i Hercegovine obuhvata:

- Izborni zakon Bosne i Hercegovine koji je objavljen u "Službenom glasniku BiH", broj 23/01, a koji je stupio na snagu 31.08.2001. godine;

- Izmjene i dopune Izbornog zakona Bosne i Hercegovine - Odluka Visokog predstavnika za Bosnu i Hercegovinu o izmjenama i dopunama Izbornog zakona Bosne i Hercegovine, broj 139/02 26. marta 2002. godine ("Službeni glasnik BiH", broj 7/02) a koja je stupila na snagu 26. marta 2002. godine;

- Izmjene i dopune Izbornog zakona Bosne i Hercegovine - Odluka Visokog predstavnika za Bosnu i Hercegovinu o izmjenama i dopunama Izbornog zakona Bosne i Hercegovine, broj 148/01 18. aprila 2002. godine ("Službeni glasnik BiH", broj 9/02) a koja je stupila na snagu 18. aprila 2002. godine;

- Zakon o izmjenama i dopunama Izbornog zakona Bosne i Hercegovine ("Službeni glasnik BiH", broj 20/02), a koji je stupio na snagu 3. avgusta 2002. godine;

-Ispravku Zakona o izmjenama i dopunama Izbornog zakona Bosne i Hercegovine ("Službeni glasnik BiH", broj 25/02);

- Izmjene i dopune Izbornog zakona Bosne i Hercegovine - Odluka Visokog predstavnika za Bosnu i Hercegovinu o izmjenama i dopunama Izbornog zakona Bosne i Hercegovine, broj 181/04 28. januara 2004. godine ("Službeni glasnik BiH", broj 4/04) a koja je stupila na snagu 01.marta 2004. godine;

- Zakon o izmjenama i dopunama Izbornog zakona Bosne i Hercegovine godine ("Službeni glasnik BiH", broj 20/04) a koji je stupio na snagu 17. maja 2004. godine;

- Izmjene i dopune Izbornog zakona Bosne i Hercegovine – Odluka Visokog predstavnika za Bosnu i Hercegovinu o izmjenama i dopunama Izbornog zakona Bosne i Hercegovine, broj 349/05 4.4. 2005. godine ("Službeni glasnik BiH", broj 25/05) a koja je stupila na snagu 3.5.2005. godine;

Zakon o izmjenama i dopunama Izbornog zakona Bosne i Hercegovine ("Službeni glasnik BiH", broj 52/05), kojim je usvojen Zakon o izmjenama i dopunama Izbornog zakona Bosne i Hercegovine koji je donio Visoki predstavnik za Bosnu i Hercegovinu Odlukom br. 349/05 od 4.4.2005. godine ("Službeni glasnik BiH", broj 25/05) ;

- Ispravku Zakona o izmjenama i dopunama Izbornog zakona Bosne i Hercegovine ("Službeni glasnik BiH", broj 65/05);

- Zakon o dopunama Izbornog zakona Bosne i Hercegovine ("Službeni glasnik BiH", broj 77/05) a koji je stupio na snagu 15. novembra 2005. godine;

- Zakon o izmjenama i dopunama Izbornog zakona Bosne i Hercegovine – Odluka Visokog predstavnika za Bosnu i Hercegovinu, broj 397/06 od 27. januara 2006. godine ("Službeni glasnik BiH", broj 11/06) a koja je stupila na snagu 20. februara 2006. godine; i

- Zakon o izmjenama i dopunama Izbornog zakona Bosne i Hercegovine ("Službeni glasnik BiH", broj 24/06) a koji je stupio na snagu 11. aprila 2006. godine;"

#### **Ad. 8. Prijedlog Rezolucije o četvorogodišnjoj reformi u BiH zasnovanoj na građanskoj platformi GROZD-a, predlagač Muhamed Moranjkić;**

Zbog ponovnog odsustva predlagača Rezolucije Komisija je jednoglasno odlučila da odgodi raspravu o ovoj tački dnevnog reda.

#### **Ad. 9. Ostala pitanja**

Kako nije bilo drugih prijedloga za ovu tačku dnevnog reda predsjedavajući je u 14,30 sati zaključio sjednicu.

*Napomena: Odlukom Kolegija sekretara Parlamentarne skupštine BiH sjednice se ne snimaju.*

SEKRETAR KOMISIJE  
**Milan Zjajić**

PREDSJEDAVAJUĆI KOMISIJE  
**Mirsad Čeman**